

**2019
SUMI**

Total marks : 80

Time : 3 hours

General instructions:

- i) *Approximately 15 minutes is allotted to read the question paper and revise the answers.*
 - ii) *The question paper consists of 22 questions. All questions are compulsory.*
 - iii) *Internal choice has been provided in some questions.*
 - iv) *Marks allocated to every question are indicated against it.*
- N.B:** *Check that all pages of the question paper is complete as indicated on the top left side.*

AMQO – A (Ghili Kiyye)

1. Yepua keu phiju no inijü akeqo khochile tsülo:

Ni Sümi phu aghulo lakhi lo aza topumi lakhi ache. Ghulo lakhi li-nga misshiphu lakhi lo yepeka kümla lo kijemi shi ache keno, lino aphu lo ighi eno aza sasü misshiphulo wuni ipi aza vilo pi. Aza atopu-u ye aphulo li hilah shi ngoqhuve kehu misshiphulo wuni keu ighono liye tiphimini ghi alhoayeh lono sülimi-u hekimini/heküsumini likhi pepu mini che.

Tishiaghi pinamu lighi linga pape wunishi keu alolo tchitoi ighi. Lino ishi kümsü, “Nighi ido akiviu pesü ninga gholono puwoni”. Anga no alokivishi aza sasü wuve. Misshiphu lo ngo akelo anga no liza sasü a-a kivi kutomo xuju. Chuqukusho kithe kivi aza pelo miche lupe eno li lopivistu, ado alokepushi puwolu.

Aphu kungomi kehu kughou aza no aphulo wovekepu do tove keno anga no liza vilo ishipe, “Iza, nikujo ishiye misshiphu hipau lo chukepu ajeli kümtsu ithulu chekeu a-a akiqheu lakhi lo wuni” ipi no aza sasü wu. A-a tipau lo chuqu kusho shiveno wovenikelau aza ye pishipuwo kholakithi kümpa ghi je aghikeu ithuluno alokivishi qhüpe alashelo ipeche keloye thosülo pulache keu nepa kumo kehu, aza ye anepa shipimive no kholakithi kümpa kümtsu veleve. Ikemu angano aza phivilo cheche kehu aza mutuluve.

Angano agholau no aza xaqhe puthuve no amllo idenike züqhä aza pama kunu süsü akilo wove.

Atsala kini küthü shivekethiu angano liza ghilli hipau li-pami amqo lakhi vilo pi keloye apami lakhi no ishi pi, “ike noye oza phimini kupu, atsapi eno aghiliqo jupe kujovechemo keshea?” Angano ishi khochile, “niye kiushiye iza ghili jupe kujo ani kea? Liye niza tsah pinikeu kujochemo eno linga no kiukiu paphi shi akinni aküa pighi aghinamu khalaumi phimini nguno allau ni Sülimiu hekimini/heküsumini akighipishi pepu mini acheni. Tilehi kiu kujo kepu ani kea?”

Angano itaghi ishi pi, “Timi lakhi lhoayeh eno akukhuaye lo kiulonomu kütami ghüza kepu küha aghi keu ye kiushiye anguka no shikithe tsü ani kea”. Iza ikujo doh kivi tipaqolo niye timi kütamino kishi kümsü aghinani kea? Ipi keuye akhoto shimoi, ikemu iza no alovilu keu no akhotoshi

kümsülue. Atsah hipau chilu kelo li-pamiqo ye akiciqhive eno amllo kiqishi li ghenguno a-ü kukhu ikhilutsü.

Timi kxü gholä ye ajeli kütüta ke ti vethalu eno gihu ithimasa. Ni kuhu aghü kivi ye khilemu phekepu kumo. Ninguye nipuh niza no pali no kichimi shiue keu gholä lono xü keulo jupe kujo akepu küha.

- (a) Aza topumi lakhi ye khile ache kea? 1
- (b) Aza ye kiu phimini akighipishi pepu mini ache kea? 1
- (c) Aza ye kiu kümsüluno linga pape wuni keu pulove kea? 1
- (d) Aza ye misshiphulo kishi ado puwolu kea? 1
- (e) Chuqu kusho kivi kümtsü ithulu chekeu a-a akiqheu lakhi lo aza ye kiu qhü kea? 1
- (f) Apami lakhi ye kishi anga vilo pi kea? 1
- (g) Timi lakhi lhoayeh eno akukhuaye lo kiulonomu kütami ghüza kepu küha aghi keu ye kiu shikelo pi ani kea? 1
- (h) Xulhe hipau lono noye kiu vethalu keno atsajo lakhi lono khochile tsülo. 1
- (i) 'Sülimi' ipi akeu, akiqi ahiphi lono atsathi kütäu lono yetsülo. 1
- (j) Khunoqo pesü 'Topumi' ipi ani kea? 1

AMQO – B (Iqqikulu)

2. Atsathi 100-150 dolono yelo:

a. No ye Aheto. No no kümsü akeuno Nagaland lo aghili ghüzüki akivishi pekho wolu nani ipi kümsü ani. Yekili lakhi aghili ghüzü kichekütsü-u lau yehghi, aghili ghüzükiqo akivishi pekhowolu kepu shi akeu eno avehupu shi akeu pikeu shilo.

Momu 6

b. Noye Aboli/Hito, no no "Lhoxuqo lau axükighide shipuhaveni keu phukutho" lo wupe puakeu pe, no kiphiki lo vesülho kaku loye sükeu shilo.

3. Atsathi 50 dolono lakhi likhi yelo :

a. No ye Livi, itimiqo-w anhemgha kiqhia julho chebo jukikithiu shi ani. Tighenguno apuhaza, aküsami eno chepu-cheliqo lau kuküsü kiye tsü keu shilo. Atsala, ado eno a-a kümtsü yesütsü keu shilo.

Momu 4

b. Aküsau kini kiyephi phi keu meküa ghili küptsa kile keu shilo.

AMQO – C (Tsayeh)

4. Achipiu tsathipe kümsalo süve tsülo:

- (a) Ghümsü ye _____ 1
 - (i) Khumtsai
 - (ii) Qhimboi
 - (iii) Ngoniyi
 - (iv) Shukuthui

- (b) Awudu no _____ puh cheni. 1
(i) Amicheh (ii) Amiche
(iii) Amicche (iv) Ammiche
- (c) Lhidi kishimi ye chilo _____ shiveaye amheh qive cheni. 1
(i) Ateh (ii) Ate
(iii) Atte (iv) Atteh
- (d) Iza no aphi _____ ani. 1
(i) Mthe (ii) Qhu
(iii) Ishi (iv) Küsü
- (e) Alhou _____ osüsho tsü peni. 1
(i) Pelo (ii) Mo
(iii) Pelonoghi (iv) Pelono
5. **Tsashi pe aje lo süve tsülo:**
(a) Kütsü 1
(b) Xatha 1
6. **Sütsakutho akiqi pilo:**
(a) Awchhe lono pekighi 1
(b) Ashuqha toi 1
7. **Süchou tsathi pidelau süvelo:**
(a) Kulolau 1
(b) Tuxa 1
8. **Akiyethi shikithe keu ghola lono yekümzü tsülo:**
(a) Kiphimiqo ye chute ithuluva. 1
(b) Anga no ka ani. 1
9. **Atsa tuna pe atsajo mlalo:**
(a) Kiviküsa 1
(b) Tünatunu 1
10. **Sumi tsalo pekili süvelo :**
(a) These fruits are sour. 1
(b) How cold it is! 1
(c) Never tell a lie. 1
(d) Which way shall we go? 1
(e) Please lend me your pen. 1

AMQO – D (Kichitssathoh eno Apuh Assü Leshe)

11. **Achipiu tsathi pe kimeve tsülo:**
(a) Carey ye _____ lono phuiko eno xüghilli phiche. 1
(i) Asüzani (ii) Aghizani
(iii) Ashigheni (iv) Anighini

- (b) Tumumi lakhino tumuhu kithimi pelo ighino kükümi putsalu pe keu pesü _____ ipicheni. 1
 - (i) Kithikupu (ii) Atumugha
 - (iii) Mthu gha (iv) Tumumi
- (c) Thochipa ye _____. 1
 - (i) Aghutomi (ii) Akha kükhami
 - (iii) Achinetomi (iv) Ashihatomi
- (d) Külau ye ni _____ kupunumi. 1
 - (i) Zuuno (ii) Mtsalono
 - (iii) Thiuno (iv) Qhesho lono
- (e) Ghoyi no asüghi lo igha keu huno anachumi _____ hutoi. 1
 - (i) Sütsa (ii) Lekiphe
 - (iii) Kügütsa (iv) Ghügha

Atsahthi 20 – 25 dohlono khochilelo:

- 12. Sümi kukhuaye lo kiushiye anga küküla lo apuh ye sawo phe chemo kea? 2
- 13. Kudüulho ngo nodilho kiqu pilo. 2
- 14. Ghoshixe atumuu ye khuu ghungu saghive tsü kea? ‘Aphilu’ ye kiu pesü pi ani kea? 1+1=2
- 15. Kiu ghenguno Kughato ngo Gen. K.S. Thimaya pama ghukiye luzalo küptsa kea? 2
- 16. Külau ye nithiuno kupunumi ile jukimine yeni thono. Leshe hipau hepho tsülo. 2
- 17. Timi ye nilojimi pavinipi kümsü ye kucho iposhuu ikujono tshalu mthaye. Leshe hipau kiqu pitsülo. 2

Atsahthi 40 – 50 doh lono khochillelo :

- 18. a. Gen. Kaito sakiphe qholono kishi Assam police sasü aghüshi keno yelo. 4

Momu
- b. *“I kujo no kimiye kile aghi namu apuh aza tsa Sümo kelo ye küghüno luni chemoe. No ye ipu iza putsa nike msa-ichi kevinno atsa pisü wulo. Leshe hipau do hepho tsülo.*
- 19. *Anachumi ishi kumomi huno, Chehu asshe lono lahju puha cheye O ki tcholo kithilla ju qah ye.*
 - (i) Anachumi kiqu ye kiu kea? 1
 - (ii) Asshe lo khu lahju puha kea? 1
 - (iii) Kiu shiye pa kümsü akea? 1
 - (iv) Hiye khuno leshe lo ani kea? 1

Atsahthi 60 - 90 doh lono khochillelo :

20. a. *“Kinikülü kibo, chupu shopu qole qole peni, tipitigha eno pichepiqhi jeli kükümgha kibo shi peni.”*
- (i) Atsa hiye khiuno pi cheni kea? **1**
- (ii) “Chupu shopu qole qole peni” ipi keu kiqui pilo. **3**
- (iii) Tipitigha ye kiu pi ani kea? **1**

Momu

- b. William Carey no India lo ighikelo akikili süghi keu ajeli 3 yelo. Sati ye kiu kea? Serampore phughi ghili ikhonhei yelo. **(3+1+1=5)**

21. *Iki no showo tsukinhe lazü, she ikuwo
Tsükinhe inakukhu kiye Opuh nno lhokha shi
Aküssa hi isalla shi tsüye
Ino putho zühu gholumo ikujo vehu kishito
Lau no tcheju puwu aye inhezü iqighi anishi saye.
Leshe hipau ajo kiqui lono hepho tsülo.* **5**

22. a. *Ti inni ilosüqhiye atssüküzü khelo ghi hu ani
O kughono thoghiu shino shoinami sasü alah lo
Kusholulo khau nnoghi ninu timi thiu,
Hucheni ye pilo.*
- (i) Kiushiye tssüküzü khelo ani kea? **1**
- (ii) ‘Khau’ ipi akeu ye kiu piani kea? **1**
- (iii) Kuchou no hucheni keo mokea eno kiushiye keno pitsülo. **2**
- (iv) Hiye kiu leshe lo ani kea? **1**

Momu

- b. *Oh! Apuh azza no peqheni ghasa ju,
Mullo kua, kimiye shenilai
Atsala no anheu no atsütssü ilokighi
Tiye aghüthemi no akütsü pe
Ilokighi ngushi ghini mulai.
Leshe hipau atsajo kiqui lono hepho tsülo.* **(5)**
